

瘍醫大全



瘍醫大全目錄

卷四

腎經圖說

膀胱經圖說

心包絡經圖說

三焦經圖說

臟腑經絡穴道部位銅人圖



瘍醫大全卷四

蕪湖顧世澄練江氏纂輯

增錢之栢東陽

男

柳燮和

全校

內景圖說

腎

膀胱

心包絡

三焦

臟腑經絡穴道部位銅人圖

心經

小腸經

肝經

膽經

脾經

胃經



肺經

大腸經

腎經

膀胱經

心包經

三焦經

督脉經

任脉經

衝脉經


陽蹻脉

陰蹻脉

陽維陰維脉



南京中醫藥大學圖書館藏



女平



北京中醫藥大學圖書館版權所有

經曰腎者強之官伎巧出焉

又曰腎者任也主骨而任周身之事故強弱係之
甲乙經曰腎者引也能引氣通於骨髓

厄言曰腎者神也妙萬物而言也

經曰腎附於脊之十四椎下其合骨也其榮髮也開

竅於二陰

難經曰腎有兩枚重一觔二兩藏精與志

華元化曰腎者精神之舍性命之根



所有權

腎有兩枚形如豇豆相並而曲附於脊之兩傍相去
各一寸五分外有黃脂包裹各有帶二條上條繫
於心下條趨脊下大骨在脊骨之端如半字許中
有兩穴是腎經帶過處上行脊髓至腦中連於髓
海

又曰命處於中兩腎左右開闔正如門中棖闔故曰
又命門一陽處二陰之間所以成坎也靜而闔涵養
又乎一陰之真水動而開鼓舞乎龍雷之相火靜爲
又陽本陰爲陽基也

又曰足少陰經腎

又曰是經常少血多氣

又曰酉時氣血注於腎

黃庭經人身神名曰腎神玄冥字育嬰

靈樞曰耳者腎之官也腎病者顙與顏黑耳枯焦

象川翁曰精生於穀

然醴郁之味不能生精惟恬憺之味乃能補精生氣氣自生神

經曰精不足者補之以味

黃庭經曰急守精室勿妄泄閉而寶之可長活

經曰腎者主水受五藏六府之精而藏之

原註腎爲都會關



之所非腎一
藏獨有精也

真詮曰五藏各有藏精並無停泊於其所蓋人未交

感精涵於血中未有形狀交感之後慾火動極而

周身流行之血至命門而變爲精以泄焉故以人

所泄之精貯於器拌少鹽酒露一宿則復爲血矣

經曰腎者在天之寒在地爲水在人爲腎在時爲冬

在方爲北在色爲黑通竅於耳經曰北方水也萬

物所以合藏也又曰藏真下於腎腎藏骨髓之氣

也肺金爲母肝木爲子膀胱爲腑尅火主骨若久

立則傷骨司藏與志其類水其畜毓其卦坎其性
智其華在髮其穀豆其應四時上爲辰星其病在
骨其音羽羽者舒也陽氣將復萬物舒生也其數
六其臭腐其聲呻其氣吹其液唾在變動爲慄其
味鹹其虫鱗其果栗其菜藿下應腰腎而色黑然
黑欲如重漆光澤不欲如炭靈樞曰腎應骨密理
厚皮者三焦膀胱厚更腎主寒然寒則傷腎病主
爲疝瘕主黑陷若搖慾過度則傷腎濕氣勝則病
其病之候則面黑恐欠足寒逆氣腹痛飧泄而後



重臍下動氣腎實則腹膨脹而體重少氣不言骨
疼飧泄并小便少腎虛則欲墜下縮身面青體白
顙顙開解下竄畏明心懸如饑胸痛引脊厥逆洩
多而耳鳴腎絕則反目直視狂言遺尿腰折骨枯
然腎絕者四日死平脉則冬旺七十二日而脉沉
濡石石者沉濡而滑舉指來疾其賊脉則緩而大
并面大黃皆逆其危脉則石如轉索去如彈石

又曰腎又爲氣之藏主納

又曰其日壬癸北方生寒寒生水水生鹹鹹生腎腎

爲陰中之少陰通於冬氣

入門曰腎主受水穀之精而至靜惟子時濁氣之動而已

又曰腎與臍相對與腰相應腰者腎之外候

又曰腹爲陰陰中之陰腎也腎爲牝者陰也

又曰腰者腎之府轉搖不能腎將憊矣

又曰骨者髓之府不能久立行則振掉骨將憊矣

又曰諸寒收引皆屬於腎

靈樞曰腎者主爲外使之遠聽視耳好惡以知其性



又曰黑色小理者腎小麤理者腎大耳高者腎高耳
後陷者腎下耳堅者腎堅耳薄不堅者腎脆耳好
前居牙車者腎端正耳偏高者腎偏傾也

又曰腎小則藏安難傷腎大則善病腰痛易傷於邪
腎高則苦背脊痛不可以俛仰腎下則腰尻痛或
爲狐疝腎堅則不病腰背痛腎脆則善病消癰腎
端正則和利難傷腎偏傾則苦腰尻痛也

又曰呼出心與肺吸入腎與肝度汗出浴水則傷腎
難經曰久坐濕地強力入水則傷腎

又曰藏各有一腎獨有兩者何也然腎兩者非皆腎也其左爲腎其右爲命門命門者精神之所舍元氣之所係也男子以藏精女子以繫胞故知腎有二也

入門曰命門非正藏三焦非正府也

靈樞曰邪在腎則病骨痛陰痺陰痺者按之而不得腹脹腰痛大便難肩背頸項痛時眩

經曰腎熱者色黑而齒枯

又曰脾傳之腎病名曰疝瘕少腹寬熱痛出白一名

蠱

註曰出白謂
澁出白液也

又曰大骨枯槁大肉陷下肩髓內消動作益衰真藏
來見期一歲死見其真藏乃予之期日註曰此腎
之藏也期三百六十五日內死

難經曰外證面黑善恐數欠內證臍下有動氣按之
牢若痛其病逆氣小腹急痛泄如下重足脛寒而
逆

靈樞曰腎氣虛則厥實則脹

又曰腎實則腹大脛腫喘咳身重寢汗出憎風虛則

胸中痛大腹小腹痛清厥意不樂

入門曰腎虛則心懸如饑善恐

太乙真人曰戒色慾養精氣嚥津液養藏氣

無名子曰天一生水在人曰精地二生火在人曰神

經曰腎藏精與志志者專意而不移者也

又曰藏氣絕則神見於外無錫游氏子以酒色得疾常見兩女子衣服鮮麗冉

冉至腰而沒醫者曰此腎神也腎絕則神不守舍故見於外也

靈樞曰恐懼而不解則傷精精傷則骨痠痿厥精時

自下



北京中医药大学图书馆藏

經曰其精管自兩腎脊骨間發來繞大腸之右從漸

管下同出前陰而泄精

又曰水旺於冬相於秋廢於春囚於夏死於季夏其

王日壬癸王時人定夜半困日丙丁困時禺中死

日戊己死時日昧昧乃日昃也

又曰腎俞在十四椎旁募在京門腰間季脇

又曰腎者主蟄封藏之本精之處也

又曰北方黑色入通於腎開竅於二陰藏精於腎陰

前陰
後陰

